

رسالة استغاثة من المعتقلة أمنية ثابت: أنا عايزة أمشي من هنا



الثلاثاء 7 يناير 2020 06:04 م

كتب: هدى عبده

في رسالة استغاثة من المعتقلة "أمينة أحمد ثابت" تشتكي فيها من معاناتها داخل محبسها، وتفصح عن أنها لم تعد تتحمّل كل هذا الظلم الذي تتعرض له داخل سجون الانقلاب.

فكتبت: أنا أمينة أحمد ثابت "22 سنة" اعتقلت يوم 15-6-2019 للعلم أختي كانت محبوسة في سجن القناطر لمدة سنة وشهرين على ذمة نفس القضية اللي أنا فيها وأنا اتقبض عليا في يوم إخلاء سبيل أختي من بيتي واختفيت 17 يوما، أهلي ميعرفوش عني حاجة.

وتابعت: نزلت نيابة أمن الدولة يوم 3-7-2019 على القضية 148 لسنة 2017 أنا حاليا في قسم عين شمس ما زلت محبوسة، أختي اتقبض عليها من المطار وهي عروسة مسافرة لجوزها وربنا كرمتنا بإخلاء سبيلها وهم بيتأكدوا من العنوان لضمان إخلاء السبيل مسكوني كنا بنجهز لحفل استقبالها وملحقناش نفرح بسمية أختي وحرموها مني وحرموني منها وتم احتجاز أختي بعد إخلاء سبيلها 45 يومًا واتقابلنا في الحجز بعد ما كنت بتمنى نتقابل في الحرية كان من حقنا فرحتنا تكمل، مبلحش أشوف أهلي واقعد معاهم".

ولفتت: "أنا بعاني من المكان اللي أنا فيه مفيش تهوية والجو كله دخان وأنا مريضة حساسية صدر وجيوب انفية وقاعدة مع جنائين وبنام على الارض والجو برد جد والرطوبة عاليه وجالي روماتيزم والمكان كله حشرات عبارهة عن اوضة صغيرة جدا مفيش شبك يدخلنا منه شمس أنا نفسياتي اتدمرت محتاجة اخرج لاهلي ومحتاجه اكون معاهم ، أنا امي وحشتني واتحرمت من امان بيتنا ومن حضن امي ، احنا بنعاني المكان هنا مفيش خصوصية بنكون قاعدين والباب بيتفتح علينا الفجر ببهدلونا ويفتشونا وببهدلو كل حاجتنا".

ونوهت: أنا قضيتي معظم اللي فيها خرجوا أنا كمان من حقي أخرج عشان أكمل دراستي وأكمل حياتي كنت بخطط لحاجات كثير أعملها ملحقش أبداها، 7 شهور ضاعوا من عمري في الا شيء كنت هعمل فيهم حاجات كثير كنت هكون مع أمي وإخواني وأصحابي، أنا محتاجة كل حاجة حرموني منها أنا تعبانة جدا وصدري تايعني من الدخان والدكتور قال مينفعش معايا علاج طول ما أنا محبوسة".

وطالبت "أمينة" كل من يقرأ رسالتها أن "يدعو لها تخرج لأمها ولحياتها وأصحابها وأخواتها ولفرحة أمها اللي اتحرمت من انها تكمل، عشان امي تعبت من الزيارات والطابور في الزيارات ، أنا محتاجة اخرج اكمل دراستي وأبدأ حياة جديدة من غير سجن".

اختتمت: "أنا عارفة اللي بيخرج بيعاني برضوا ميعرفش يرجع لحياته الطبيعه بس اكيد هكون افضل وسط اهلي متنسويش دعواتكم".

